

Кэйс-д шинжилгээ хийх⁷

Microsoft корпорацийн үйлчилгээний гэрээ

Програм хангамжийн лиценз. Microsoft-н өөр лицензийн гэрээ дагалдуулаагүй л бол (жишээлбэл: та Windows-д агуулагдсан эсхүл нэгээхэн хэсэг нь болсон Microsoft-н программыг ашиглаж байгаа бол Microsoft-н үйлдлийн системд хамаарах Microsoft-н программ хангамжийн лицензийн гэрээ тухайн программ хангамжийг ашиглалтыг зохицуулна), таны манайхаас авсан Үйлчилгээний дурын программ хангамжийг энэхүү

⁶<https://www.copyright.gov/title17/title17.pdf>

⁷<https://www.microsoft.com/>

Нөхцлүүдээр зохицуулна. Microsoft болон түүний салбар нэгжийг эзэмшдэг эсвэл ажиллуулдаг зарим дэлгүүрүүдээр дамжуулан худалдан авсан хэрэглүүрүүдийн нэмэлт нөхцөлүүдийн талаар (үүнд Office Дэлгүүр, Xbox дээрх Microsoft Дэлгүүр болон Windows дээрх Microsoft Дэлгүүр ба үүгээр хязгаарлагдахгүй) доорх 13 (б) хэсгээс үзнэ үү.

- а. Хэрэв та эдгээр нөхцөл болзлыг мөрдвөл та тус үйлчилгээг ашиглаж байгаа учир нэг удаад зөвхөн нэг хүн дэлхий даяар нэг төхөөрөмжид програм хангамжийн нэг хувийг суулгаж ашиглах эрхийг бид танд олгож байна. Зарим төхөөрөмжид Энэхүү үйлчилгээг хувийн хэрэгцээнд, ашгийн бус зорилгоор ашиглахад зориулан тухайн програм хангамжийг урьдчилан суурилуулсан байдаг. Үйлчилгээний нэг хэсэг болох програм хангамж эсвэл вэбсайтад гуравдагч этгээдийн код багтаж болно. Тус програм хангамж эсвэл вэбсайттай холбоотой эсвэл иш татсан гуравдагч этгээдийн аливаа скрипт эсвэл кодыг Microsoft корпорац бус тухайн кодыг эзэмшдэг гуравдагч этгээд танд ашиглахыг зөвшөөрсөн болно. Гуравдагч этгээдийн аливаа кодтой холбоотой мэдэгдлийг зөвхөн мэдээллийн зорилгоор багтаасан.
- б. Тус програм хангамжийг худалдаагүй харин ашиглахыг зөвшөөрсөн бөгөөд Microsoft корпорациаас далд утга, байцаан шийтгэх ажиллагааны татгалзал эсвэл үл хамааран Microsoft корпорац илэрхий олгоогүй програм хангамжийн бүх эрхийг эдэлнэ. Энэ лиценз танд дараах зүйлийг хийх аливаа эрх өгөөгүй бөгөөд та дараах зүйлийг хийж болохгүй.
 - i. програм хангамж эсвэл үйлчилгээнд буй эсвэл холбоотой технологийн хамгаалалтын арга хэмжээнээс зайлсхийх эсвэл бултах;
 - ii. холбогдох зохиогчийн эрхийн тухай хуулиар илэрхий зөвшөөрөхөөс бусад тохиолдолд болон зөвшөөрөх хэмжээгээр аливаа програм хангамж эсвэл

үйлчилгээнд багтсан эсвэл үйлчилгээгээр дамжуулан нэвтрэх боломжтой үйлчилгээний бусад хэсгийг задлах, эх кодыг гаргаж авах, шифрийг тайлах, хакердах, дуурайх, буруугаар ашиглах эсвэл бүтцийг өөрчлөх;

- iii. өөр төхөөрөмжүүдэд ашиглах зорилгоор програм хангамж эсвэл үйлчилгээний эд ангийг тусгаарлах;
- iv. Microsoft корпорац танд илэрхий зөвшөөрөөгүй бол програм хангамж эсвэл үйлчилгээг нийтлэх, хуулах, түрээслүүлэх, хөлслүүлэх, худалдах, экспортлох, импортлох, түгээх эсвэл зээлүүлэх;
- v. програм хангамж, програм хангамжийн аливаа лиценз эсвэл Үйлчилгээнд нэвтрэх эсвэл ашиглах аливаа эрхийг шилжүүлэх;
- vi. Өөр хэн нэгэн үйлчилгээг ашиглахад саад учруулж болох аливаа зөвшөөрөлгүй арга хэлбэрээр үйлчилгээг ашиглах эсвэл аливаа үйлчилгээ, мэдээлэл, хэрэглэгчийн бүртгэл эсвэл сүлжээнд нэвтрэх;
- vii. Үйлчилгээний хандалтыг идэвхжүүлэх эсвэл Microsoft-р баталгаажсан төхөөрөмжийг (жишээ нь, Xbox One, Xbox 360, Microsoft Surface, гэх мэт) албан ёсны эрхгүй гуравдагч талын хэрэглүүрүүдээр өөрчлөх.

Энэ лицензтэй сайтар танилцваас лиценз нь ерөнхийдөө тухайн программ хангамжийг тодорхой нөхцлийг биелүүлэн ашиглах боломж юм. Тэрнээс тухайн програм хангамжийг өөрчлөх, хувилах бусдад түгээх зэрэг нь хууль бус гэдгийг тодорхой мэдэж болохоор байна.

Тохиолдол⁸

Нэхэмжлэгч: Майкрософт корпораци

Хариуцагч: Номин холдинг-ХХК

Маргааны төрөл: Бусад хуулиар

Хүчинтэй эсэх: Тийм

Нэхэмжлэгч АНУ-ын “Майкрософт” компани нь зохиогчийн эрхийн зөрчлөөс учирсан хохирол 615.857.175 төгрөг гаргуулах шаардлагаас татгалзаж, программ хангамжийг лицензгүйгээр ашиглах нь Майкрософтын зохиогчийн эрхийг зөрчсөн үйлдэл болохыг хариуцагч хүлээн зөвшөөрч, хариуцагчийг төлөөлж “Номин трейдинг” ХХК нь Майкрософт корпорацийн Абрис дистрибьютороос нийт 73.721.1 ам.доллар буюу 174.163.344 төгрөгийн үйлдлийн систем, программ хангамжийн худалдан авалтыг хийснээр зохиогчийн эрхийн зөрчлийг таслан зогсоох нэхэмжлэлийн шаардлага хангагдсанд тооцохоор харилцан тохиролцсон.

